



Adresa: Ul. Hamdije Čemerlića 39.
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: **UP-I/25-2-40-269-9/21**

Datum: 24.09.2021. godine

„Agencija za vodno područje rijeke Save“ Sarajevo rješavajući po zahtjevu pravnog lica „Rudnici gipsa“ d.d. Donji Vakuf, za izdavanje vodne saglasnosti na projektnu dokumentaciju za ispuštanje otpadnih voda i specifičnih uticaja koji mogu nastati pri aktivnostima na eksploataciji i preradi mineralne sirovine gipsa sa PK „Bistrica“ Gornji Vakuf, na osnovu člana 114., a u vezi sa članom 139. stav (1) tačke 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 49/99), donosi

RJEŠENJE **o vodnoj saglasnosti**

1. Investitoru „Rudnici gipsa“ d.d. Donji Vakuf daje se vodna saglasnost na projektnu dokumentaciju, za ispuštanje otpadnih voda i specifičnih uticaja koji mogu nastati pri aktivnostima na eksploataciji i preradi mineralne sirovine gipsa sa PK „Bistrica“ Gornji Vakuf, a u skladu sa revidovanom projektnom dokumentacijom:

- Glavni projekat prikupljanja, prečišćavanja i ispuštanja otpadnih voda sa PK „Bistrica“ Gornji Vakuf urađen od strane „Rudarski institut“ d.d. Tuzla, april 2017. godine
Projektna dokumentacija je revidovana od strane „Zagrebinspekt“ d.o.o. Mostar, broj:01-20-59-IV/17, april 2017. godine.

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Ova vodna saglasnost ne oslobađa podnosioca zahtjeva obaveze pribavljanja vodne saglasnosti za korištenje vode i ispuštanje sanitarnih otpadnih voda za čije izdavanje je nadležno Ministarstvo za poljoprivredu, šumarstvo i vodoprivredu Srednjobosanskog kantona/Kanton Središnja Bosna, u skladu sa članom 139. stav 2. tačka 1. i 2. Zakona o vodama kao i saglasnosti i dozvola od strane drugih nadležnih organa u skladu sa drugim Zakonima.

3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije u skladu sa odredbama člana 114. stav (3) Zakona o vodama vraća investitoru na trajno čuvanje.

4. Vodna saglasnost se daje pod slijedećim uslovima:

4.1. Radove na izgradnji objekata za prikupljanje, odvođenje i tretman oborinskih onečišćenih voda sa radnih, saobraćajnih i pripadajućih manipulativnih površina izvesti u skladu sa ovjerenom projektnom dokumentacijom iz tačke 1. dispozitiva ovog Rješenja.

4.2. Nakon izvođenja radova sistema odvodnje i prečišćavanja oborinskih onečišćenih voda potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.

4.3. Način ugradnje separatora i stavljanje istog u pogon uskladiti sa proizvođačem opreme.

4.4. Od isporučioaca separatora pribaviti garanciju da će parametri kvaliteta prečišćenih oborinskih voda biti u granicama propisanih vrijednosti, definisanih u važećoj Uredbi o uslovima ispuštanja

otpadnih voda u okoliš i sisteme javne kanalizacije („Službene novine Federacije BiH“, broj: 26/20,96/20).

4.5. Da se nakon predviđenih uređaja za tretman otpadnih voda, a prije njihovog upuštanja u vodotok izvrši ugradnja revizionih šahtova na svim ispustima, a u svrhu praćenja kvaliteta efluenta (monitoring).

4.6. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.

4.7. Površinu na kojoj će se odvijati pretakanje ulja, masti i nafte neophodno je izgraditi otpornu na djelovanje naftnih derivata.

4.8. Manipulativnu i parking površinu potrebno je izvesti sa odgovarajućim nagibima i pripadajućim slivnicima.

4.9. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.

4.10. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.

4.11. Predvidjeti da se sav nastali otpad (emulzionih ulja, starih filtera, zauljenih krpa i dr.) prikuplja u skladu sa važećim propisima o postupanju sa otpadom.

4.12. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj:06/6-19.3-609-3/21 od 22.09.2021. godine izdato od strane Službe za prostorno uređenje, imovinsko pravne poslove i katastar općine Gornji Vakuf-Uskoplje i Rješenja o okolinskoj dozvoli broj:UPI-05/2-23-11-5/17 od 13.03.2017. godine izdato od strane Federalnog ministarstva okoliša i turizma.

5. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.

6. Ukoliko se u toku izvođenja radova i korištenja premetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.

7. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19, 41/20).

8. Ova vodna saglasnost prestaje važiti istekom roka od dvije godine od donošenja ovog rješenja, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.

9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenju ovog vodnog akta.

O b r a z l o ž e n j e

Pravno lice „Rudnici gipsa“ d.d. Donji Vakuf, zahtjevom broj: 5-44/21 dana 14.06.2021. godine, zatražio je izdavanje vodne saglasnosti na projektnu dokumentaciju za ispuštanje otpadnih voda i specifičnih uticaja koji mogu nastati pri aktivnostima na eksploataciji i preradi mineralne sirovine gipsa sa PK „Bistrica“ Gornji Vakuf.

U provedenom postupku, uz zahtjev za izdavanje vodne saglasnosti dostavljena je slijedeća dokumentacija:

A. Opća dokumentacija

- Aktuelni izvod iz sudskog registra, broj:051-0-RagZ-19-001227 od 24.09.2009. godine izdat od strane Općinskog suda u Travniku – kopija,

- Rješenje o izmjenama podataka, broj:051-0-Reg-19-000402 od 19.09.2019. godine izdato od strane Općinskog suda u Travniku – kopija,

- Obavještenje o razvrstavanju pravnog lica, broj:07-32.5-87313/14 od 07.03.2014. godine izdato od strane Službe za statistiku za područje Srednjobosanskog kantona – kopija,

- Uvjerjenje o registraciji/upisu u Jedinствenei registar obveznika indirektnih poreza, broj:04/1-17-1-UPJR/1-1783-1/15 od 18.03.2015. godine izdato od strane Uprave za indirektno-neizravno oporezivanje Banja Luka – kopija,
- Rješenje o obnavljanju Rješenja o odobrenju eksploatacije gipsa, broj:09-18-593/99 od 22.04.1999. godine izdato od strane Federalnog ministarstva energije, rudarstva i industrije – kopija,
- Rješenje o vodnoj saglasnosti, broj:UP-I/25-2-40-367-3/17 od 21.06.2017. godine izdato od strane Agencije za vodno područje rijeke Save, Sarajevo – kopija,
- Rješenje o okolinskoj dozvoli broj:UPI-05/2-23-11-5/17 od 13.03.2017. godine izdato od strane Federalnog ministarstva okoliša i turizma – kopija,
- Ugovor o koncesiji za istraživanje i eksploataciju rude gipsa na lokalitetu Bistrica, Gornji Vakuf-Uskoplje potpisan sa Ministarstvom gospodarstva Travnik-Županija Središnja Bosna broj:04-18-541/02 od 27.09.2002. godine – kopija,
- Rješenje o urbanističkoj saglasnosti, broj:06/6-19.3-609-3/21 od 22.09.2021. godine izdato od strane Službe za prostorno uređenje, imovinsko pravne poslove i katastar općine Gornji Vakuf-Uskoplje – kopija,
- Punomoć podnosioca zahtjeva broj:5-46/21 od 14.06.2021. godine,
- Dokaz o uplaćenju upravnoj pristojbi

B. Tehnička dokumentacija

- Glavni projekat prikupljanja, prečišćavanja i ispuštanja otpadnih voda sa PK „Bistrica“ Gornji Vakuf urađen od strane „Rudarski institut“ d.d. Tuzla, april 2017. godine
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari
- U provedenom postupku konstatovano je sljedeće:

- Glavni projekat, iz tačke 1. dispozitiva ovog Rješenja, urađen je i revidovan od strane ovlaštenih pravnih lica.
- Ležište gipsa „Bistrica“ pripada općini Gornji Vakuf i nalazi se na udaljenosti 2,5 km zračne linije sjeverozapadno od Gornjeg Vakufa. Uža lokacija ležišta je na desnoj strani donjeg toka rijeke Bistrice, cca 2,0 km vazdušne linije uzvodno od njenog ušća u rijeku Vrbas.
- Eksploatacioni prostor ležišta gipsa zauzima prostor od 45,70 ha. Eksploatacioni radovi na ovom ležištu obavljaju se diskontinuiranom tehnologijom površinske eksploatacije, primjerenom za uslove rada koji vladaju na lokalitetu ležišta i planiranom kapacitetu kopa. Nakon eksploatacije vrši se prerada rovne mase, procesom usitnjavanja drobilničnim postrojenjem i klasiranjem.
- Vodosnabdijevanje pogona se vrši putem priključka na gradsku vodovodnu mrežu preko vodomjernog okna smještenog na lokaciji i koristi se već duži period.
- Čiste oborinske vode sa krovova objekata će se prikupljati sistemom odvodnje čiste oborinske vode, koji obuhvaća sistem horizontalnih i vertikalnih oluka, te će se ispuštati na zelenu površinu.
- Površinske zauljene i zamuljene vode sa radno manipulativnih površina, prostora separacije i depoa iskopanog materijala će se skupljati putem kanala sa slivnom rešetkom, te tretirati na taložniku dimenzija 4,0 x 1,5 x 1,5 m i separatoru ulja i masti kapaciteta $Q=30,0$ l/s. Nakon tretmana prečišćena voda će se ispuštati u postojeći kanal pristupnog puta ka površinskom kopu.
- Sanitarno fekalne otpadne vode iz objekata će se odvoditi u dvokomornu septičku jamu bez preliva zapremine $V=15$ m³.
- Na prostoru površinskog kopa neće se vršiti skladištenje nafte i naftnih derivata u cisternama. Snabdijevanje mehanizacije naftom vršiti će svakodnevnom dopremanjem iste u kanisterima.
- Na prostoru površinskog kopa neće se vršiti veće popravke i servisiranje mehanizacije.
- Površinu na kojoj će se odvijati pretakanje ulja, masti i nafte neophodno je izgraditi otpornu na djelovanje naftnih derivata.
- Manipulativnu i parking površinu potrebno je izvesti sa odgovarajućim nagibima i pripadajućim slivnicima.
- Komunalni otpad će se redovno prikupljati i odlagati u za to određene kontejnere i posude a njegovo zbrinjavanje će vršiti pravno lice ovlašteno za komunalne poslove.

- Željezni otpad uključujući i zauljeni otpad (emulzionih ulja, starih filtera, zauljenih krpa i dr.) će se propisno odlagati u natkrivene objekte do konačnog zbrinjavanja od strane ovlaštenih firmi.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti broj:UP-I/25-1-40-378-2/12 od 24.07.2012. godine, izdato od strane Agencije za vodno područje rijeke Save, Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na revidovanu projektnu dokumentaciju: Glavni projekat prikupljanja, prečišćavanja i ispuštanja otpadnih voda sa PK „Bistrica“ Gornji Vakuf urađen od strane „Rudarski institut“ d.d. Tuzla, april 2017. godine data vodna saglasnost na istu.

Agencija je u prethodnom postupku istom pravnom licu izdala Rješenje o vodnoj saglasnosti, broj:UP-I/25-2-40-367-3/17 od 21.06.2017. godine na predmetnu projektnu dokumentaciju. Uz zahtjev za izdavanje ovog rješenja podnosilac zahtjeva je dao obrazloženja i pojašnjenja tj. razloge nepostupanja na terenu u skladu sa zahtjevima iz Rješenja o vodnoj saglasnosti.

Na osnovu provedenog postupka, a u svrhu smanjenja negativnih uticaja predmetne aktivnosti na režim voda ili uticaja režima voda na stanovništvo, objekte, radove i okolinu, podnosiocu zahtjeva su u dispozitivu ovog rješenja, shodno odredbama člana 114. Zakona o vodama i člana 7. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Prilog: (Tehnička dokumentacija navedena pod tačkom B obrazloženja Rješenja).

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.



Dostaviti:

- „Rudnici gipsa“ d.d. Donji Vakuf,
770 Slavne brdske brigade bb. 70220 Donji Vakuf, (sa prilogom),
- ☑ AVP-ISV -Vodna knjiga,
- Sektor 40, arhiva,
- Oglasna tabla AVP-Sava Sarajevo